



# suatea

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES - C.I.F.: G33 027632  
C/ Telesforo Cuevas 2, 1ª A dcha. - 33005 - Uviéu. Tfno. 985 274 343. Fax. 985 236 464.  
E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)

---

## CIRCU NEL PARLLAMENTU COLA PITICIÓN DE CREACIÓN DE LA ESPECIALIDÁ

Enantes de les eleiciones europees SUATEA valoró mui positivamente la iniciativa del Partíu Popular de presentar una proposición non de llei pa la incorporación de la especialidá de Llingua Asturiana nel sistema educativu. Paeciónos que la ufierta del grupu parllamentariu del PP yera una mano tendida a la memoria histórica del los grupos de la Xunta Xeneral. Toos, nun momentu o otru caltuvieron postures asemeyaes a lo que proponía'l PP. Esperábemos que la coherencia tuviera per enriba de les rivalidaes polítiques, y qu'aquellos que teóricamente nos representen lo ficieran de verdá aprobando la proposición sobre la Llingua Asturiana y el Gallego-Asturiano.

Güei nel Parllamentu Asturianu representóse una "opera bufa" que dexó bien a les clares que lo que se dixo nel so día nun foi más qu'un trucu electoralista. Facemos falta hasta meter el votu, y dempués de metíu nada de lo prometió.

Hasta la escenificación enantes de la votación resultó floxa. Toos traíen la lleición deprendida de casa hasta'l puntu que la cama redonda final de los tres partíos paecía inevitable. El resultáu nun foi otru qu'un apoyu unánime a una enmienda del PSOE que recoyía puntu por puntu les imprecisiones que sol asturianu tán nel pactu de gobiernu. ¿Formarás un gobiernu de concentración?. Paez q'empiecen a reconocese y que toos son los mesmos.

Dende SUATEA queremos recorda-yos a los parllamentarios qu'otres instituciones lléven-yos varies estayes de ventaxa. Deberíen de saber qu'organismos europeos solicitaron mayor proteición pa la llingua asturiana; que, hai agora un añu, "El Conseyu Escolar del Estáu" (muérganu máximu de representación de la comunidá educativa del estáu español) aprobó, a instancies de SUATEA la creación de la especialidá de Llingua Asturiana y Gallego-Asturiano, y hasta la Universidá apostó pola llingua en varies ocasiones colos cursos d'espertos y especialistas o agora cola especialidá dientro de los planes d'estudiu.

Los nuegos políticos nun s'enteren, ¿por inorancia, por inconsciencia o por mala lleche?